



Geschichte der geistlichen Stiftungen, der adlichen Familien, so wie der Städte und Burgen der Mark Brandenburg

[Urkunden-Sammlung für die Orts- und spezielle Landesgeschichte]

Riedel, Adolph Friedrich

Berlin, 1858

CCCLXVI. Die Stadt Lübeck notifizirt der Stadt Stendal, daß sich die Kaufleute der Hanse mit Antwerpen dahin verglichen, den Antwerper Markt wieder zu besuchen, am 20. Mai 1468.

Nutzungsbedingungen

[urn:nbn:de:hbz:466:1-54890](https://nbn-resolving.org/urn:nbn:de:hbz:466:1-54890)

CCCLXVI. Die Stadt Lübeck notificirt der Stadt Stendal, daß sich die Kaufleute der Hanse mit Antwerpen dahin verglichen, den Antwerper Markt wieder zu besuchen, am 20. Mai 1468.

Vnsen vrunliken grus mit vormogen alles guden. Erfamen wyse heren, besunderen guden frunde. So alle vnse frunde etliker Stede vnde wy Juw hadden geschreuen na begere des kopmans van der Dutschen hanse in vlanderen residerende, den kopman vnser aller Stede van der hanse to warnende, dat se den Antwerper markt myden scholden, so lange men juw deshaluen anders wes schriuende wurde; Aldus hebben vns nu de Olderlude des kopmans vorsecreuen geschreuen vnder lengeren, dat se mit der Stad van Antwerpen to vrede vnde ouereen gekomen sin vnde van allen geschelen vor essent tom ende vth ere markede wedder to vorfokende etc. Aldus is vnse fruntlike beger gi sulkent juwen borgeren vnde kopmannen vnde wer Juw des vord nod duncket sin, vorkundigen vnde wtilik don vmme den Anderpper market to vorfokende. Ok hebben vns de Olderlude bouenscreuen gefand waraftige copie sodanner besegelinge, also de Stad van Antwerpe en gedan hebben, de to langk ys, Juw nu hastliken vor Pinxten to sendende, Jedoch willen wy juw copien deshaluen senden, so wy erst konen. Syt gode beualen. Screuen vnder vnser Stad Secret am vrydage vor dem Sondage Vocem Jocunditatis, Anno etc. LXVIII°.

Borgermestere vnde Radmanne der
stad Lubeke.

Nach dem Originale des Stendalschen Ratharchives No. 176.

CCCLXVII. Die Stadt Lübeck antwortet der Stadt Stendal auf ein ihr zugekommenes Schreiben, am 17. Juni 1468.

Vnsen fruntliken grut mit vermogen alles guden. Erfamen vorsichtigen Heren, besunderen guden frunde. So gy vns des brisefhaluen ame negesten van vns an Juw gelanget wedder geschreuen hebben, hebben wy wol to synne genomen vnde willen dar furder na notrofft vp vordacht wesen vnde Juw by vnser egenante bodeschopp sunder antwerde nicht laten. Gode zyt beualen. Screuen vnder vnserm Secrete, Am Vridage na Corporis Cristi, Anno etc. LXVIII°.

Borgermestere vnde Radmanne
der stad Lubeke.

Nach dem Originale des Stendalschen Ratharchives No. 177.